

1 PETRO

Kukue Tutε Ko Petro Lεwɔni

¹ Kukue komfo etsyi mɔ, Petro, wə ni Yesu Kristo eto ɔtonkpe oflɔ. Nlε ko bɔwɔni kətə mimba ni Onanto eto betidiləkələkə ba dísensə bísu benkpe fe bafɔ lə Ponto, Galatia, Kapadokia, Asia ku Bitinia eto nsɔ əsuə. ² Anto Onanto kosate díləkə mi eye lə wə lelabi əsuə. Nya itə Lεwɔnɔ Kenkε lékpasə mi əsuə biyifo betidi kenkε bə lə bitsyue Yesu Kristo koto, lə befi wə kɔtɔ bəflə mi lə bele.

Lə Onanto eto lefonə ku diyuə lə difui disiəko mi lefe saa.

Bafokanɔfɔ Eto Lesa Nə Banlε Kusu Bobe Kətə.

³ Bitə lə bɔsɔ Onanto wə ni Bonamute Yesu Kristo eto Anto ani. Lə wə kaminsənyənyə kplε əsuəə, útə bo nkpə fɔfɔ eye lə nnya ótakase Yesu Kristo utsyiko ɔkɔmə óboko nkpə eso. Nyamfo ətə bo kusubebe fɔfɔ ko lεflɔ. ⁴ Lə nyasoo, bεlε kusu bobε kətə kedikɔ eto atsyɔkpokpo fokoya ko Onanto lεlɔ utsyə lə kato itə wə betidi ke lembobia, ka lemboto kɔti, ka ləmbɔflε tsya. ⁵ Kedikɔ kamfo luudi mi kale, mimba eye lə bofo kanɔ əsuə bálɔ mi bətsyə lə Onanto eto əsuəale əsuə itə bofokətə lə nkpə bo buuləkə bate lə lefe fεfε əsuə.

⁶ Binyə disuəyuə lə nyamfo əsuə, ite bə biunyə kanyi lə lefe kliminti əsuə eye lə botokabe kpə əsuə tsya. ⁷ Nnya ni bə lə befi bato mi babe bə befo bεnɔ sitinti. Fe kase baato sika sia laafo

bobia kabe læ utee, nko ke bæəbə mi bofokanɔ bo lefo koya bonso sika kulaa tsya boto kabe læ ute əsuə, læ befi babe bæ buutsyə itə lefe saa. Nyamfo ebutə Onantɔ atəsə mi obesə mi kato ufi dibu utə mi læ diyi nə Yesu Kristo loobɔ ubə bənyə wə. ⁸ Ite bæ biənyə wə tɔ binyə tsyaa, biala wə. Se bənnlɛ wə bunyə mɔmɔ tsyaa, bəfo wə bənɔ nya mi disuəyuənyənyə nso buləkə katɛyi. ⁹ Kase bəfo wə bənɔ esoo, itə bæ Onato ətə nkə mi kakla nyə nkɔpə.

¹⁰ Onanto eto bənyeləkətidi ba lébe letsya itsyi læ kase Onanto læəbə mi ətəsə butə, átɔ bánɔ nya báfefe kekleke læ kase Onanto læəbə mi bofo læ nkɔpə. ¹¹ Báfefe bæ læ bate itsyi læ lefe nə yuubə ku kase yəəbə bubə. Lefe nəmfo ni lefe nə Kristo eto Ləwɔnɔ nə nkpe læ mə əsuə nlɛ kɔni bote, kələkə kate kanyi ka Kristo ele bæ unyə ku diyənde nə luutəkə nnya kama. ¹² Onanto ələkə óte bənyeləkətidi bamfo nkə inni itə mə əsuə eto kutəkə eso banlɛ keyifo, bomu itə mi. Bédi etiki betsyiko asa nnya mba nlɛ Ditiki Sɛɛ nəmə letsya bobɛ kətə mi mɔmɔ eyɛ læ Ləwɔnɔ Kɛnkɛ nə Onanto létsyese itsyi kato eto əsuəale əsuə. Onanto eto batɔnkpe kulaa tsya ála kokoko bæ eni læ bate lesaatsyue itsyi læ asa nyamfo əsuə fɛ.

Ele Bə Bafokanɔfɔ Siə Nkpe Kɛnkɛ.

¹³ Nyaso bimue əsuə bitsyə itə keyifo. Bimue əsuə bitsyə kukɔnɔ læ bikabe kusu kekleke itə Onanto eto atsyɔkpokpo nnya wuutə mi læ lefe nə Yesu Kristo loobɔ bənyə. ¹⁴ Bitsyue Onanto eto ditiki koto nya biəntə læ asa nnya díkənə mi kakpe læ abua əsuə kɔ, læ lefe nə Onanto eto

ditiki dímankpako mi tɔɔ, lə isi eso mi ani mɔmɔ. ¹⁵ Bomuu, fe kase Onanto wə lékpadi mi nte kenkɛɛ, mi tsya tsyə kenkɛ lə lesa saa nə biuyifo əsuə. ¹⁶ Itsyise báwɔni bakpe lə Awɔnisa Kenkɛ əsuə bə Onanto átɛyi nkə, “Biyifo kenkɛ, itsyise nyifo kenkɛ.”

¹⁷ Biakpadi wə biə Boanto lə bɛɛ ola boto kətə Onanto wə laambe utidi eto ənəmi lə ɔɛ lekpo bokpo ku utidi lə lesa nə utsyuə saa díyifo əsuə. Lə nyasoo, fe bafɔ lə kasɔ mfoo, bisia mi nkpə fɛfɛ bifi dibu bitə Onanto. ¹⁸ Itsyise biyi kayo ka Onanto léfo lə mi disi fɛ úləkə mi utsyiko lə nkɔpəsiasia ləmbə kutəkə bo béfo bitsyiko lə mi banamə ɔflo. Inni lesa nə boofobobiasə fe sika sia lee sika flubia seka. ¹⁹ Bomu iyifo Kristo eto kɔtɔ ko lefo koya, wə díyifo fe Lesamubi nə lehua saa ləmbə lə əsuə, lékpa lɛflo kenkɛ Onanto dífi útə kedi lə mi disi. ²⁰ Onanto ələkə wə utsyɛ fɛ béyifo kawunsia nya úləkə wə óte lə eyifefɛ nyamfo əsuə lə mi disi eso. ²¹ Nya eyɛ lə Kristo əmfɔ əsuə esoo, béfo Onanto bɛnɔ. Nya wə ni futsyɛ létakasə wə utsyiko ɔkɔmə úbə nkpə nya útə wə kedikɔ ka nkpe dibu kanso kenkɛ. Lə nyamfo eso béfo Onanto bɛnɔ, nya bífi mi kusubebe bitəkə lə wə əsuə.

²² Nya se bitsyue ɔnukualɛ əmə koto, eyɛ lə nnya əsuə békpasə mi əsuə biə biola mi bafokanɔfɔ tsyuə lə ɔnukualɛ əmə esoo, ele bə bela mi bətsyuə itsyi taa mi utu kəmiə ke. ²³ Onanto ətə mi nkpə fɔfɔ eto businkli kale. Inni utidi wə leekpe dísinkli óle mi, bomu nwə leenkpe kulefe léle mi eyɛ lə Onanto eto ditiki nə nsi nkpə lefe saa əsuə. ²⁴ Itsyise Anantotiki átɛyi

nkə,

“Betidi kenke te fe sefa seka.

Nya mə kələkə kenke te fe sefa eto efukpokpo seka.

Nya se efukpokpo laaylobe kalo kewui.

²⁵ Φεε Onanto eto ditiki te lefe saa.”

Ditiki nəmfo ni Ditiki Σεε nə bábə letsya bətə mi nε.

2

Bafokanəfo Ni Onanto Eto Betidi Kenke.

¹ Nyaso bisinkli bəyε asa bua saa eto okle buyifo. Biləkə mi əsuə bitsyiko lə sediatəyitəyi, ənəmi ənəmi eto nkrəsiəsiə, kutsyuəsəkprənkprə, ku utidi eto diyebiasəbiasə əsuə. ² Bela Onanto eto ditiki tinti nəmə fe kase bebisambi laala mmintu kekkeke bə lə bebe bekpe lə mi bofo kanə əsuə fe kase Onanto laala. ³ Itsyise Anantotiki átəyi nkə, “Mi kosate ebunyə kase Bonamute nkpe kafo εkpe.”

⁴ Bibə Bonamute əflo. Wə ni nkpe eto leba nə batonto leni bə dimbə kulesa nti, fεε Onanto ələkə ni utsyə nkə lefo koya tinti lə wə ənəmi.

⁵ Mi tsya eyifo fe aba nnya nkpe nkpe, nyaso bifi mi əsuə bitə Onanto lə oto ləwəncə eto diyo. Diyo nəmfo kafo biəke fe besumunyə kenke, nya biəyε lə Yesu Kristo əsuə bitə Onanto ləwəncə eto kedi ka loəke wə əkəε. ⁶ Itsyise Awənisə Kenke eto Kukue átəyi nkə,

“Nləkə leba nə lefo koya,

nya mimfi ni mīntəkə lə Sion eto diyo eto kaka nso bofe.

Nya utsyuə saa wə lofo wə əncə,

wembudi kofani kulefe.”

⁷ Nya leba nəmfo áfo koya tinti læ mimba lefo wə bəno ɔflo, nya læ mba dímamfo wə banɔ ɔflo, ele bæ bate bənkə, diyifo

“Leba nə batonto leni bæ dimbə kɔnɔ,
 fɛɛ ni bomu díbə léfiani leba nə léfo koya
 lenso kenke nɛ.”

⁸ Nya Awɔnisa Kenke eto Kukue eto lekpa ditsyuə tsya áteyi nkə,

“Diyifo leba nə luutə betidi tusə,
 læ ni bedu banɔ.”

Bétusə læ ni itsyise bámfo Ditiki Sɛɛ nəmə bánɔ. Nko ini Onanto eto Ditiki Sɛɛ nə óteyi útsyə nkə yuubə itə mə nɛ.

⁹ Fɛɛ mii, biyifo betidi ba Onanto díləkə utsyə fe besumunyə ba laatese wə wə ni oka, ku kusə kenke ko bákpo atsyɔ, Onanto eto betidi ba bələkə bətsyə bæ babe Onanto eto eyifosa kplɛ nyamə letsya. Nya ókpadi mi utsyiko læ ketuntu kamə kəmiə óboko wə diyənde kplɛ nəmə əsuə.

¹⁰ Lefe ditsyuə nə léfee, bíenyifo Onanto eto betidi fe mɔmɔɔ, biyifo wə betidi. Fɛ lefe nə léfe mə, báante Onanto eto kaminsənyənyə fe mɔɔ, biofo wə kaminsənyənyə.

Bisiə Nkpe Bo Lɔɔtesə Onanto.

¹¹ Mɔ balala, nɛ mi kɔle bɔle fe mba ni bafɔ ku mba nyɛ kusu læ kawunsiə kamfo minkə, biləkə əsuə bitsyiko læ etidisuə eto alasa bua nnya nɛ lema bɔkɔnko mi lefe saa əsuə. ¹² Bisiə nkpe sɛɛ læ bamamonyə ba nti benkpe bæ læ bédi etiki bua læ mi əsuə bæ biyifo babuayifo tsyaa, kamaa, læ bəbə bənyə bətsyə lekpo kasɛɛ ka bíyifo bítsyə itə læ batəsə Onanto læ wə Lekpoyi Fɛfɛ nəmə.

¹³ Lə Bonamute əmə esoo, bebokosə əsuə kaso bitə betidi eto aba saa ke bətsyə lə kəfi əsuə ku Romafo eto Okankplə wə ni uninə kenke, ¹⁴ ku aba eto bənyesiə ba útə əsuəale nkə bənə babuayifo koto nya lə batesə betidi ba leeyifo kasε tsya. ¹⁵ Itsyise Onanto aala nkə biti mba ini ebukitiki ete beedi eto nyε lə asa sεε nya bieyifo eso. ¹⁶ Bisie nkpə fe betidi ba nsi lə mi əsuə əsuə. Fεε biemfi mi əsuə əsuə busie bomfo biyifo asa bua. Bomu bisie nkpə fe Onanto eto ndomufo seka. ¹⁷ Bitə utidi saa dibu. Bela mi bafokanəfo tsyuə. Bete Onanto sikpi. Nya lə bitə Okankplə tsya dibu.

Bebokosə Əsuə Kaso Bitə Mi Banamute.

¹⁸ Mimba ni beyifoyifoo, bebokosə mi əsuə kaso bitə mi banamute lə bibu mə tsya. Nya inni banamute ba nkpe kafo εkpε nya baala mi ete, bomu mba leeyifo mi disiale tsya. ¹⁹ Lə utsyuə lə kanyi bunyə lə kusu ko dimantsyε əsuə fε ini lə Onanto eto disi eso uńyə keklekee, Onanto ebokpo wə atsyo. ²⁰ Lə biyifo kabua nya lə nnya eso bənə mi kotoo, nte atesə nnya biunyə lə nnya əsuə? Fεε lə biyifo kasεε nya binyə kanyi lə ke buyifo esuəə, Onanto ebokpo mi atsyo lə nnya disi. ²¹ Nya nyamfo ni nnya Onanto lela nkə bikeyifo nε. Itsyise Kristo kosate ənyə kanyi lə mi disi nya óte mi nkə bεyε lə wə kayεko.

²² “Wényifo lehua saa,
nya wánteyi sedia saa tsya.”

²³ Se báka wəə, wánka kuutsyuə saa lə nnya kenye. Se báte wə ohiã wénkudi wə balo saa.

Bomu úfi lesa saa útə Onanto wə laakpo lekpo lə kusu əsuə.

²⁴ Kristo kosate léfo bo abua útsyi, úsu úkpe lə uyikabie əsuə. Úyifo nyamfo nko bə lə bəbə butsyi lə bo abua əsuə lə busiə nkpə butə kasəyifoyifo. Úfi afabe nnya ófo ótsya mi bufi. ²⁵ Lə ɔnukuale əsuə, kɔɔ biyifo fe basamu ba lénya kusu. Fɛɛ mɔmɔɔ, Onanto ákpa mi óboko bə bitəkəko nwə laayenko mi ku nwə laase mi ɔflo.

3

Ele Bə Bese Ku Bəsiə Fi Dibu Bətə Bətsyua Lə Kristo Eso.

¹ Nya mi besio tsyaa, nko ele bə bebokosə mi əsuə kasə bitə mi bese. Nyamfo luutə bə lə mə utsyua mámfo óno tsyaa, wuufi wə əsuə utə Onanto ɛye lə fə ditsyəbi sɛɛ nəmə eso. Nya inni bə ele bə bətəyi mə kulesa kulaa tsya. ² Bomu mə kosate ebunyə kase mi ditsyəbi lekpa nya bébokosə əsuə kasə. ³ Biənləkə mi bɔnɔbobe bete lə asa nnya biakpe nye kase biakle esi nye atsyabi nnya biakpe kefi kaləkəsə əsuə. ⁴ Bomuu, beləkəsə ləwɔnɔ nə nkpe lə mi əsuə ku aləkəsəsa nnya luutə bə ditsyə kpoo nya diyuə buɛɛ tsya. Kələkɔ komfo ambia kulefe nya kofɔ koya tinti lə Onanto eto ənəmi. ⁵ Nkomə seka besio kənke ba dísiə kɔ, ba dífi mə əsuə bətəkə lə Onanto əsuə, lébokosə mə əsuə kasə bətə mə bese nnya iyifo kələkɔ itə mə nɛ. ⁶ Nko ke Sara tsya ditsyue Abraham koto nya ókpo wə nkə, “Mɔ onamute.” Mi tsya afiani Sara əmfo

eto bebisiobi læ biyifo asa sεε, nya sikpi laanle mi læ kulesa saa əsuə.

⁷ Nko ke ini itə mi bese tsya nε, bitə læ asakasononə læ εke læ mi ku mi bəsiə nti, binyə mə fe mba læmbə əsuəale fe mi. Bitə mə dibu itsyise mi ku mə ta Onanto léfo utə nkə bibə bisie nkpə læ binyə nkpə manlo. Lə biyifo nkoo, kulesa embuti mi olatoto kusu læ Onanto oflo.

Biemfi Lebua Befo Lebua Kayo.

⁸ Lə kalosəkə, bitə læ mible eto nsusu læ buyifo boni, utidi eto asa læ εle mi kaminsə, bela bətsyuə fe bayimi, biyifo kafoεkpe nya læ bebokosə əsuə kasə bitə bətsyuə. ⁹ Biemfi lebua befo lebua kayo, nye bukudi læ bukidi eto kenye. Bomu bεle Onanto lekprakpa læ utə mə atsyokpokpo, itsyise nyamfo Onanto ditsyə kenye nkə bibə bεke se okpadi mi nε.

¹⁰ Fe kase Awonisa Kenke eto Kukue leteyii,
 “Utsyuə saa ke lela nkə wəsiə nkpə læ unyə mu kamini,
 nya læ usie nkpə kentsyεε,
 wəntə læ ditiki bua saa læ ləbə itsyi læ wə kenye nya yanle bə otayi sidia tsya.

¹¹ Ele bə oye lebua buyifo læ uyifo kasεε,
 nya læ obεbe diyuə ku wə utu kenke.

¹² Itsyise Bonamute ətəkə ənə læ mba leeyifo kasεε əsuə,
 nya woanə mə olatoto.

Fεε mba ni babuayifoo, waataka kənyə læ mə əsuə.”

¹³ Lə biakplatsya keyifo kasεε, owoe lookpe mi bulə? ¹⁴ Fεε læ efe bə nyə kanyi læ kasεε ka feyifo eto disi esoo, nyə disuəyuə læ nnya əsuə. Biante

mə sikpi, nya biəntə kulesa lə ilə mi. ¹⁵ Bomu bifi dibu bitə Kristo lə mi akœsi lə bitə wə dibu fe mi Onamute. Nya biofo mi əsuə kənyə buləkə kate utsyuə saa wə lela nkə woanɔ itsyiko lə kusubebe ko əsuə benkpe. Nya lə biyifo nko ku disuətsyə ku əsuə kasɔ bokosəbokosə. ¹⁶ Biyifo nnya ku utu wuee, bə lə utsyuə aka mi lə nkpə sɛɛ bo binsi lə Kristo esoo, lə kofani lə kɔlɛ mə lə nnya bətɛyi əsuə. ¹⁷ Itsyise ɛlɛkɛ eso bə nyə kanyi lə kasɛɛ ka feeyifo eso lə nyamfo eyifo Onanto eto lelabi, enso bə lə kabua eso. ¹⁸ Itsyise Kristo wə ni ɔsɛɛ, ɛkpe lə betidi ba ni babuayifo eto disi dikpe lənwe itə lefe nə kenke, bə lə ofó bo bokpa kesuko Onanto ɔflɔ. Báló wə lə əsuə eto sinə əsuə, fɛɛ Onanto lə Lɛwɔnɔ əsuə átakasə wə úbə nkpə. ¹⁹ Nya lə Lɛwɔnɔ əsuə, úsu óbé Onanto eto ditiki nəmə letsya útə bekpenkpe ba bėti bákpe lə edi kafo mfó. ²⁰ Mbamfó ni betidi ba dímentsyue Onanto eto kɔlɛ koto lə lefe nə ɔkɛ dibusə utə mə lə lefe nə Noa díkawe wə ɔklo kplɛ əmə nɛ. Betidi esiani ba ni mflamfla ba dídufə lə ɔklo əmə kafoo, mə báfo lə nkpə se ntu bomə díyi nɛ. ²¹ Nyamfo eyifo ditsyəbi nə nɛ bo bote kase ntufɛsəfləsə eto lekpa lekateko ntuyiyi bomfóo, mɔmɔ laafo bo lə nkpə. Yenyifo əsuə eto sinə eto keni buflə kewui bomuu, iyifo kənyeklekle ku Onanto, kənyeklekle ka lekpa nya ketsyi taa bo akœsi kəmiə ke. Onanto aafɔ bo lə nkpə ɛyɛ lə Yesu Kristo eto botaka ketsyi ɔkɔmə kəbə nkpə əsuə eso. ²² Kristo əmfɔ ni nwə dísu kato nya unsi lə Onanto eto sediani, wə nɛ seka budi lə Onanto eto batɔnkpe kenke ku kato eto bəsuəalenyə ku əsuəale nnya nkpə kenke əsuə.

4

Bisiä Nkpe Fe Bafokanɔfo Seka.

¹ Nyaso se Kristo dínyə kanyi læ sinə əsuə esoo, mi tsya fi wə nsusu bomfo ke eto okle bekré mi əsuə nkeale, itsyise utsyuə saa ke lænyə kanyi læ əsuə eto sinə əsuə, ensifi əsuə kakré lebuayifoyifo əsuə. ² Lə nyaso idu mómɔ ɛntɔ, bisia mi nkrə fɛfɛ læ Onanto eto lelabi əsuə, inni læ nnya laale utidi ɔkuɛ əsuə. ³ Kɔɔ bisiə nkrə bíyifo asa fe bamamonyə ɛkle tinti. Nkpe bo bisiə læ lefe nəmfó áyɛ læ setsyeto eto nkrəsiəsiə, əsuə eto sinə eto nkrəsiəsiə, sitekre, sidikpūū, budi ku bunə eto ake eti susu ku sifiəsumu eto eyifosa əsuə. ⁴ Nya se biensianko ani ku mə keyifo mə eyifosa kpə nnya ləmbə kasɔnɔnɔ esoo, yeeyifo mə yanii nya baaka mi. ⁵ Fɛɛ yuubə ibə bə buuləkə mə əsuə kɛnyɛ læ Onanto wə lookpronko mba nsi nkrə ku bekpenkpe akpo. ⁶ Nyamfo eso Kristo ábe Ditiki Sɛɛ nəmə letsya bətə bekpenkpe tsya, ite bə Onanto ákpronko mə lekpo fe kase baakpronko utidinini saa lekpo tsyaa, bə læ lɛwɔnɔ əsuə, læ bəsiə nkrə fe kase Onanto nsi seka.

Ele Bə Bafokanɔfo Kenke Kawunsəko Bətsyuə.

⁷ Asa nnya kenke eto kalosəko boyo elo. Nyaso bińyə bikabe kusu læ beɛ əsuə kukɔnɔ, bə læ befo ola boto. ⁸ Fɛɛ nnya nso bofe enso kenke ni bə bikala bətsyuə kafo faa. Itsyise lelabi ətəkə ɔyimitsyuə eto kabua kpə ka uyifo kato. ⁹ Befo mi bayimitsyuə kafo faa, bɔwɔnɔnɔ saa manke. ¹⁰ Mi nti eto utsyuə saa áfo ətəsa ate ate itsyi læ Onanto ɔflo. Nya fe unyɛsiə sɛɛ saa wə laale

ətəsa ate ate nyamfo ola kətə Onantoo, biyifo ətəsa nyamfo eto keyifo, bə lə ibə kutəkə itə mi bətsyuə. ¹¹ Lə utsyuə lə Anantotiki budii, udi nnya fe kase Onanto dítə wə nkə udi nnya utə betidi. Nya lə utsyuə lə kesumu eto keyifoo, uyifo ke ku əsuəale nnya Onanto dífi útə wə nkə uyifo ke əsuə, itə lə befi atəsə bətə Onanto lefe saa εye lə Yesu Kristo, wə eto ale ni diyənde ku əsuəalə idu manlo isu manlo. Ibə itə.

Binyə Kanyi Fe Kristo Seka.

¹² Mɔ bayimi lala, kase banlɛ mi boto kabe bɛnlɛ kanyi bunyə keklee, yenyifo mi naa bənkə lesa nə bɛnlɛ kusi bobɛ kətəə, məmbə tɔ lə kutsyuə saa əsuə inyə. ¹³ Bomu lə nyamfo esoo, binyə disuənyuə bə mi tsya lə kanyi bunyə fe Kristo ke seka, bə lə ɔbɔ lə wə diyənde əsuəə, mi tsya ebofo disuənyuə bunyə kato keyuluu. ¹⁴ Binyə disuənyuə lə betidi áka mi se bintəkəko Kristo eso. Itsyise diyənde eto Lɛwɔnɔ nə ni Onanto eto Lɛwɔnɔ siko mi. ¹⁵ Lə mi utsyuə ənyə kanyii, yenyifo bə uyifo uwudifɔ, uyu, obuayifo, nye nwə laakpe ditiki nə dimanle wə kɛnyɛ eso. ¹⁶ Fɛɛ lə biənyə kanyi lə mi bafokanɔfɔ esoo, biəntə lə ɛɛ mi kofani. Bomu bəɔ Onanto ani bə Kristo eto diye teke fə lə əsuə. ¹⁷ Lefe nəmə eboyo elo bə betsyiko lekpokpronkpo nəmə kasɔ, nya Onanto eto betidi əsuə yuutsyɛ kasɔ itsyiko. Lə betsyiko kasɔ itsyi lə bo əsuəə, ntsyɛ yuutsyɛ itə mba dímamfo Onanto eto Ditiki Sɛɛ nəmə banɔ? ¹⁸ Bawɔni bakpe lə Awɔnisa Kɛnkɛ eto Kukue bənkə,

“Lə ite məə, bə yookε ale fε betidi sεε lə bənyə bofoo,
 ntsyə yuutsyə itə babuayifo ba dímamfo banɔ?”

¹⁹ Lə nyasoo, mba ləənyə kanyi ka diyifo Onanto eto lelabii, lə mə asa sεε buyifo əsuə, lə befi mə əsuə bakpe lə nwə díyifo mə lə kɔni kenke, nwə leeyifo lefe saa lə wə kenyetstyətsyə əsuə.

5

Bikalε Onanto Eto Bebi Ola.

¹ Mɔ kosate nwə ni bafokanɔfɔ eto uninə lə mi ntii, nla miə maale bafokanɔfɔ eto beninə ba nkpe mi lenti kɔle. Mɔ kosate ənyə kase Kristo dínnyə kanyi, nya lə bələkə wə batee, muunyə kedikɔ lə wə diyənde nəmə kəmiə. Nla miə maateyi mi minke, ² bele Onanto eto bafokanɔfɔ eto ditsyukpa nə béfi bákpe mi lə kɔni bə bebe ola ku kafo faa, fe kase Onanto letɔ utsyiko mi oflɔ. Bienyifo keyifo kamfo bə lə bifi bebebe kutəkə ko diməńnyə itə, bomu biyifo ke ku kesumu seka. ³ Bienyifo ke bidi sekple lə mba béfi bákpe mi kalɔ əsuə, bomu bete ditsyəbi sεε itə basamu eto etsyukpa nnya nkpe mi kalɔ. ⁴ Nya lefe nə Kristo, Nwə Laayenko Basamu eto Uninə Kenke luubəə, lə uti mi lekankpakpa kosate nəmə, nə ni nə laambia kulefe.

⁵ Nko ke ini itə mi lekososa tsya nε, bə bebokosə əsuə kasɔ bitə bafokanɔfɔ ninə ba eto kalɔ benkpe. Mible kenke bebokosə əsuə kasɔ bitə bətsyuə lə mi eyifosa əsuə. Itsyise Awɔnisa Kenke eto Kukue le bɔteyi nkə,

“Onanto əənyə lə mba laabesə əsuə kato əsuə,
 fεε woawunsəko mba laabokosə mə əsuə
 kaso.”

⁶ Nyaso beboksə mi əsuə kaso bekε lə Onanto eto kəni keklege komə kalə, bə lə obesə mi kato lə wə lefe sεε əsuə. ⁷ Bifi mi asa nnya kenke laakpé mi bulə bekpe lə Onanto eto ani, itsyise wə laale mi ola.

⁸ Bitəkə ənə, bisia bikabe kusu. Mi olo Obonsam lε botsyilama kafa, kato əkəε fe tsyata, nya ənlε utidi bəbεbε nkə lə usənsə əyimi. ⁹ Bifi bəfokanə keklege bińyə lə wə əsuə, se binyi biə mi bayimi bəfokanəfə lə kawunsia kenke tsya kpé lə kanyinyənyə kamfo ke eto okle əsuə.

¹⁰ Fε lə binyə kany kamfo itə lefe kliminti kamaa, Onanto, nwə eto lefonə ləmbə kalokə, wə lékpadi mi nkə bibə binyə kedikə lə wə diyənde manlo nə diyifo ləni ku Kristoo, wə kosate əbəfəsə mi, okpe mi nkə ale lə binyə keklege. ¹¹ Wə ni əsuəale idu manlo isu manlo. Ibə itə.

Bokla Fεfε

¹² Nlε kukue kliminti komfo bəwəni kətə mi εyε lə Silvano wə mimfi fe əyimi wə lefo ənə əsuə. Nla miə maakpe mi nkεale ku nnya mə kosate dınyə miə Onanto eto lefonə kosate nəmə ni nəmfə. Nyaso bińyə keklege lə nnya əsuə.

¹³ Mi bəfokanəfə tsyuə ba tsya Onanto dıləkə lə Babilonia eto kaso ku mə ubi Marko bə bəəsiasə mi o-o. ¹⁴ Bəbuta bətsyuə lə bisiasə bətsyuə ku bəfokanəfə eto lələbi.

Diyuəsə lə disiaکو mimble ba kenke diyifo bani ku Kristo.

**Onanto eto kakle fofɔ; Sɛkpɛle
Sekpele: Onanto eto kakle fofɔ; Sɛkpɛle New
Testament**

copyright © 2008 Wycliffe Bible Translators, Inc.

Language: (Sekpele)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 21 Feb 2024 from source
files dated 29 Jan 2022

5fc03d2a-3cf8-5607-a6e0-9e1e197140bd